


Bruno Durand

Lou Lougis de la Luno



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/ciel/>

Libre I

Jùli Fousc

Li siècle an nebla ta figuro umano
E n'a passa d'aigo au Tibre ufanous
Despièi qu'eilalin en terro roumano
Dormes, vièi Sestian tant proche de nous!
Mai sabèn toun noum pèr la pèiro escricho,
Pèr lou pichoun tros de maubre o de gres,
Relicle esmarra toumba de la richo
Meissoun di tresor que la mort a pres.

Sabèn qu'ères fiéu d'aquesto Prouvènço
Mounte a mestreja la Loubo d'aram,
Mounte li parfum e li survivènço
Sèmpe de l'óublit nous engardaran
Ah! se reveniés, troubariés, poussible
Rèn, quasimen rènde de ço qu'as ama:
Despièi dous milo an lou fiò, l'endoulible,
Li guerro e lis ome an tout desrama...
Mounte soun, diriés, lou cièri, li bàrri,
Li tèmple poumpous e li bas-relèu
E li grand camin que li militari
Trepavon ferouge au fiò dóusoulèu?

Tout a degruna, l'esperanço es vano
De revèire un jour li causo e li gènt;
Mai avèn de-longo, en ribo sestiano,
La niffo que dor proche dóu sourgènt...
Mai nous rèsto enca la plano e li colo
Mounte li miejour mandon si belu
E lou rusticaire emé sa piccolo
Revèn dóu travai dins li vèspre blu...
Nous rèsto lou pan di blòundi tousello,
Lou vin melicous que Bâchus bevié